



---

## **PEKELILING AKADEMIK BILANGAN 1 TAHUN 2017**

---

**SYARAT DAN KAEDAH PENDAFTARAN MATA  
PELAJARAN SEMESTER II-2016/2017 BAGI  
PELAJAR IJAZAH SARJANA MUDA KOHORT  
KEMASUKAN 2012/2013, 2013/2014 DAN 2014/2015  
YANG BELUM MEMPEROLEHI BAND MUET  
MINIMUM DI DALAM TEMPOH YANG DITETAPKAN**

Pejabat Pendaftar  
**3 Januari 2017**

Disalinkan kepada:

Naib Canselor  
Timbalan Naib Canselor (Akademik & Antarabangsa)  
Timbalan Naib Canselor (Penyelidikan & Inovasi)  
Timbalan Naib Canselor (Hal Ehwal Pelajar)  
Penolong Naib Canselor (Jaringan Industri & Masyarakat)  
Penolong Naib Canselor (Pembangunan & Pengurusan Fasiliti)  
Pegawai-Pegawai Kanan  
YDP Majlis Perwakilan Pelajar



# UNIVERSITI TEKNIKAL MALAYSIA MELAKA

UTeM.02.07/100-3/14 (13 )

3 JANUARI 2017

## PEKELILING AKADEMIK BIL. 1/2017

### **SYARAT DAN KAEDAH PENDAFTARAN MATA PELAJARAN SEMESTER II- 2016/2017 BAGI PELAJAR IJAZAH SARJANA MUDA KOHORT 2012/2013, 2013/2014 DAN 2014/2015 YANG BELUM MEMPEROLEHI BAND MUET MINIMUM DI DALAM TEMPOH YANG DITETAPKAN**

#### **1.0 TUJUAN**

Pekeliling Akademik ini bertujuan untuk memaklumkan kepada staf dan pelajar Universiti Teknikal Malaysia Melaka (UTeM) tentang syarat dan kaedah pendaftaran mata pelajaran Semester II-2016/2017 bagi pelajar Ijazah Sarjana Muda kohort 2012/2013, 2013/2014 dan 2014/2015 yang belum memperolehi *Band* MUET minimum di dalam tempoh yang ditetapkan.

#### **2.0 LATAR BELAKANG**

- 2.1 Mesyuarat Senat Bil.4/2011 telah memutuskan bermula kohort kemasukan 2011/2012, semua pelajar Ijazah Sarjana Muda dikehendaki mempunyai MUET minimum *Band* 3 sebelum bergraduasi.
- 2.2 Selanjutnya, Mesyuarat Senat Khas Bil. 1/2012 telah memutuskan bermula kohort kemasukan 2012/2013, semua pelajar baharu Ijazah Sarjana Muda yang mendapat *Band* 1 dan 2 diberi tempoh 2 tahun dari tarikh pendaftaran pelajar baharu untuk menduduki dan mendapat minimum *Band* 3 untuk bergraduasi. Jika pelajar tidak mendapat keputusan minimum *Band* 3 di dalam tempoh 2 tahun ini, pelajar diberi tempoh pengawasan selama 6 bulan dan sekiranya masih gagal, pelajar tidak dibenarkan mendaftar mata pelajaran pada Semester tersebut.

- 2.3 Bagi pelajar Fakulti Teknologi Kejuruteraan (FTK) sahaja, Mesyuarat Senat Bil. 6/2014 telah memutuskan MUET minima yang diperlukan sebelum bergraduasi ialah *Band 2*.
- 2.4 Selanjutnya Senat Bil. 11/2014 telah meluluskan penetapan semula syarat *Band* MUET minimum untuk kemasukan dan untuk bergraduasi bagi **semua program** di dalam bidang Sains, Teknologi, Kejuruteraan dan Matematik (STEM) **bermula Sesi Akademik 2015/2016** seperti berikut:
- a) bahawa *Band* MUET minimum untuk kemasukan adalah *Band 2* manakala untuk bergraduasi adalah *Band 4*;
  - b) pelajar yang mendapat *Band 2* bermula kemasukan Sesi 2015/2016 perlu mendapat sekurang-kurangnya *Band 3* dalam tempoh 2 tahun daripada tarikh pendaftaran pelajar. Sekiranya gagal, pelajar tidak dibenarkan meneruskan pengajian ke semester berikutnya dan akan ditamatkan pengajian.
- 2.5 Ketetapan-ketetapan mengenai syarat memperolehi *Band* MUET minimum di atas telah dinyatakan di dalam surat tawaran kemasukan.
- 2.6 Bagi pelajar Ijazah Sarjana Muda kohort 2014/2015; **Semester I-2016/2017** ini merupakan tempoh pengawasan mereka dan oleh kerana itu, juga merupakan **Semester terakhir** untuk memperolehi minimum *Band 3* di dalam MUET. Pelajar-pelajar juga telah diberikan peringatan mengenai perkara ini menerusi surat bertarikh 5 April 2016 melalui Fakulti masing-masing.
- 2.7 Bagi pelajar kohort 2012/2013 dan 2013/2014, tempoh 2 tahun daripada tarikh pendaftaran pelajar baharu untuk mendapat minimum *Band 3* di dalam peperiksaan MUET sebenarnya telahpun tamat. Walau bagaimanapun, Senat Universiti di dalam Mesyuarat Bil. 12/2015 telah

memberikan kelulusan khas bagi pelajar mendaftar mata pelajaran dan seterusnya menyambung pengajian pada Semester II-2015/2016 tertakluk kepada syarat-syarat yang dikenakan.

### **3.0 SEKATAN MENDAFTAR MATA PELAJARAN SEMESTER II-SESI 2016/2017.**

- 3.1 Tempoh Pendaftaran Wajib Mata Pelajaran bagi Semester II-2016/2017 telah berlangsung mulai 28 November hingga 16 Disember 2016 mengikut Kalendar Akademik Sesi 2016/2017.
- 3.2 Pihak Universiti telah membuat tindakan menyekat seramai **133 orang** pelajar kohort 2012/2013, 2013/2014 dan 2014/2015 daripada membuat pendaftaran mata pelajaran Semester II-2016/2017 kerana rekod Sistem Maklumat Pelajar (SMP) menunjukkan pelajar-pelajar masih belum memperolehi minimum Band 3 di dalam peperiksaan MUET.

### **4.0 KEPUTUSAN SENAT BERHUBUNG STATUS PELAJAR IJAZAH SARJANA MUDA KOHORT 2012/2013, 2013/2014 DAN 2014/2015 YANG DISEKAT DARIPADA MEMBUAT PENDAFTARAN WAJIB MATA PELAJARAN SEMESTER II-2016/2017**

- 4.1 Senat Bil. 12/2016 memutuskan supaya pelajar yang terlibat diberi kebenaran mendaftar mata pelajaran dan menyambung pengajian bagi Semester II-Sesi 2016/2017 dengan **syarat-syarat:-**
  - a) jumlah kredit mata pelajaran diambil bagi Semester II-Sesi 2016/2017 ditetapkan **12 kredit sahaja** (supaya pelajar lebih fokus kepada peperiksaan MUET);
  - b) pelajar **wajib** mendaftar peperiksaan MUET Mac 2017 dan mengemukakan bukti telah mendaftar peperiksaan tersebut (**Nota: pendaftaran peperiksaan MUET Mac 2017 masih dibuka sehingga 9 Januari 2016**); dan

- c) pelajar **wajib mendaftar dan mengikuti** kelas bimbingan/intensif Bahasa Inggeris anjuran Pusat Bahasa dan Pembangunan Insan (PBPI) pada Semester II-2016/2017 sebagai persediaan menghadapi peperiksaan MUET Mac 2017.
- 4.2 Pelajar-pelajar yang terlibat hendaklah mendaftar mata pelajaran Semester II-2016/2017 di dalam Minggu Pendaftaran Lewat Berdenda iaitu pada 13 Februari 2017 hingga 24 Februari 2017 dan tidak dikenakan denda lewat. Keputusan tanpa pengenaan denda ini hanya terpakai kepada pelajar-pelajar Ijazah Sarjana Muda yang disekat daripada membuat pendaftaran mata pelajaran semasa Tempoh Pendaftaran Wajib Mata Pelajaran bagi Semester II-2016/2017.
- 4.3 Jika pelajar yang terlibat masih gagal mematuhi arahan Senat, **khususnya pada perkara-perkara di perenggan 4.1 a), b) dan c)**; mereka akan ditangguhkan pengajian pada Semester-II 2016/2017.
- 4.4 Pelajar yang telah dibenarkan mendaftar dan menyambung pengajian bagi Semester II-2016/2017 juga diingatkan supaya mempergiatkan lagi usaha agar memperolehi keputusan sekurang-kurangnya *Band 3* di dalam peperiksaan MUET Sesi Mac 2017.

## 5.0 KAEDAH PELAKSANAAN

- 5.1 Pelajar perlu mengisikan borang permohonan untuk meneruskan pengajian Semester II-2016/2017 yang disediakan (**rujuk LAMPIRAN**) dan melampirkan dokumen sokongan yang diperlukan. Borang perlu diserahkan kepada pejabat pentadbiran Fakulti untuk pemprosesan bersama-sama Borang Pendaftaran Mata Pelajaran.

5.2 Pentadbiran Fakulti dan Penasihat Akademik pelajar hendaklah membuat semakan terperinci dan hanya meluluskan pendaftaran mata pelajaran Semester II-2016/2017:-

- a) dengan jumlah 12 kredit sahaja;
- b) jika pelajar telah melampirkan resit pendaftaran/bayaran pendaftaran peperiksaan MUET Mac 2017; dan
- c) jika pelajar telah melampirkan bukti mendaftar kelas bimbingan/intensif Bahasa Inggeris anjuran PBPI yang akan dijalankan pada Semester II-2016/2017.

5.3 Pentadbiran Fakulti perlu menghantar **Borang Permohonan** dan **Borang Pendaftaran Mata Pelajaran** ke Bahagian Pengurusan Akademik (BPA) selewat-lewatnya 22 Februari 2017 (Rabu) untuk didaftarkan ke dalam Sistem Maklumat Pelajar (SMP).

## 6.0 TARIKH KUAT KUASA

Pekeliling Akademik ini berkuat kuasa mulai **20 Disember 2016**.

Sekian, terima kasih.

## KOMPETENSI TERAS KEGEMILANGAN

Saya yang menurut perintah,



**MARSITA BINTI MOHD TAIB**

Timbalan Pendaftar

b.p Pendaftar

Universiti Teknikal Malaysia Melaka



## LAMPIRAN

Borang ini hendaklah diisi oleh pelajar dan diserahkan kepada pentadbiran Fakulti. **Pentadbiran Fakulti dan Penasihat Akademik pelajar hendaklah membuat semakan terperinci dan hanya meluluskan pendaftaran mata pelajaran Semester II-2016/2017:-**

- a) **dengan jumlah 12 kredit sahaja;**
- b) **jika pelajar telah melampirkan resit pendaftaran/ bayaran pendaftaran peperiksaan MUET Mac 2017; dan**
- c) **jika pelajar telah melampirkan bukti mendaftar kelas bimbingan/ intensif Bahasa Inggeris anjuran PBPI yang dijalankan pada Semester II-2016/2017.**

Pentadbiran Fakulti perlu menghantar **Borang Permohonan** serta Borang pendaftaran mata pelajaran ke Bahagian Pengurusan Akademik (BPA) **selewat-lewatnya 22 Februari 2017 (Rabu)** untuk didaftarkan ke dalam SMP.



### **BORANG PERMOHONAN PELANJUTAN TEMPOH UNTUK MENDAPATKAN KEPUTUSAN SEKURANG-KURANGNYA **BAND 3** DI DALAM PEPERIKSAAN MUET SEBELUM BERGRADUAT**

#### **A. BUTIRAN PERIBADI**

1. Nama : \_\_\_\_\_
2. No. Matrik : \_\_\_\_\_
3. No. K/P: \_\_\_\_\_
4. Fakulti : \_\_\_\_\_
5. Kursus : \_\_\_\_\_
6. Sesi Kemasukan : \_\_\_\_\_
7. Tahun Pengajian Semasa: \_\_\_\_\_
8. Keputusan MUET Terkini: *Band* \_\_\_\_\_

#### **B. PERMOHONAN**

1. Saya mengesahkan bahawasanya:
  - (a) saya maklum dan memahami akan kewajipan setiap pelajar Ijazah Sarjana Muda bermula dengan kohot kemasukan Sesi Akademik 2011/2012 yang mendapat *Band 1* atau *Band 2* di dalam peperiksaan Malaysian University English Test (MUET) untuk mendapat sekurang-kurangnya **Band 3** sebelum dibenarkan bergraduati;

- (b) berkuatkuasa mulai kohort kemasukan Sesi Akademik 2012/2013, tempoh masa **dua (2)** tahun dari tarikh pendaftaran pelajar baharu diberikan kepada pelajar untuk mendapat sekurang-kurangnya *Band* 3 di dalam peperiksaan MUET. Sekiranya pelajar gagal untuk memenuhi syarat dalam tempoh dua (2) tahun di atas pelajar akan diberi tempoh pengawasan selama enam (6) bulan dan sekiranya masih gagal pelajar tidak dibenarkan mendaftar mata pelajaran pada semester tersebut;
- (c) semasa pendaftaran kursus di UTeM, saya tidak mempunyai sekurang-kurangnya *Band* 3 di dalam peperiksaan MUET;
- (d) saya telah membaca dan memahami akan isi kandungan surat tawaran dan Buku Panduan Kemasukan yang telah disampaikan kepada saya sebelum mendaftar di UTeM dan sesungguhnya mengakui kewajipan ke atas saya untuk memenuhi ketetapan di 1 (a) di atas;
- (e) saya memahami sepenuhnya akan implikasi jika saya gagal mendapat sekurang-kurangnya *Band* 3 di dalam peperiksaan MUET di dalam tempoh masa yang ditetapkan sebagaimana dinyatakan di 1 (b) di atas;
- (f) saya masih belum mencapai *Band* MUET yang diperlukan setakat tarikh menandatangani borang permohonan ini;
2. Saya memohon pertimbangan pihak UTeM agar dapat memberikan pelanjutan tempoh kepada saya untuk mendapatkan sekurang-kurangnya *Band* 3 di dalam peperiksaan MUET.


Sekian, terima kasih.

.....

**NAMA** : \_\_\_\_\_ **TARIKH** : \_\_\_\_\_

**NO. MATRIK** : \_\_\_\_\_

### C. PERAKUAN FAKULTI




**Diperakukan**

Disahkan bahawa pelajar .....( No. Matrik: .....):-

- i. memohon untuk mendaftar dengan jumlah kredit 12 kredit bagi Semester II–2016/2017 (**Borang Pendaftaran Mata pelajaran Semester II–2016/2017 disertakan**);
- ii. telah mendaftar MUET Mac 2017 (**bukti pendaftaran disertakan**); dan

- iii. telah mendaftar dan akan mengikuti kelas bimbingan/intensif Bahasa Inggris anjuran PBPI yang akan dijalankan pada Semester II-2016/2017 (**bukti pendaftaran disertakan**).



**Tidak Diperakukan**

.....  
Dekan Fakultas

Cop :

Tarikh :

